

ISTANBUL & BURSA

14.09 – 19.09.2024. (6 DANA)

1. DAN LET SARAJEVO - ISTANBUL 14.09.2024.

OKUPLJANJE GRUPE NA AERODROMU U SARAJEVU U 07:15H. LET AVIONOM TURKISH AIRLINES U 09:10 H LETOM TK 1022. DOLAZAK U ISTANBUL U 12:05 H PO LOKALNOM VREMENU. TRANSFER DO HOTELA, CHECK-IN U HOTELU. Odmor. Nakon kraćeg odmora idemo upoznati jedan dio grada koji je neizostavan prilikom svake naše posjete ovoj metropoli / **fakultativno**.

Metroom se vozimo prema ispod Istiklal ulice i preko Zlatnog Roga sve univerziteta, a zatim pješice nastavljamo do **Sulejmanija džamije**. Nakon servisnih informacija od pratioca putovanja, slobodno vrijeme za razgled džamije i kompleksa džamije kao i popratnih objekata kao što su turbeta **Sulejmana Veličanstvenog** i njegove voljene supruge **Hurem**. Nastavak šetnje prema turbetu najvećeg Osmanskog graditelja, **mimara Sinana** u čijoj blizini se nalazi i orijentalni panorama kafić „Mimar Sinan“ gdje smo predvidjeli kratki predah uz nevjerovatan pogled od 360 stepeni na veći dio grada. Nastavak šetnje prema naselju **Eminonu** i **Egipatskom bazaru** začina. Slobodno vrijeme za vlastiti razgled uz mogućnost ručka na **Zlatnom Rogu** u nekom od ribljih/mesnih restorana koji se nalaze na ili pored **Galata mosta**. U dogovoreno vrijeme okupljanje grupe i vožnja tramvajem prema naselju Kabataš odakle presjedamo u uspinjaču i penjemo se na trg Taksim gdje nam se nalazi hotel. Dolazak u hotel. Slobodno vrijeme. Noćenje.

2. DAN ISTANBUL LOCCO „SULTANS OLD TOWN“

Doručak. Slobodan dan ili fakultativni obilazak starog dijela grada;

Prvo polazimo prema **Aja Sofiji** remek-djelu bizantske arhitekture, nekad najveće crkve u Bizantijskom carstvu, koja je naknadno pretvorena u džamiju te je danas jedno od najvećih graditeljskih dostignuća tog vremena. Ulazimo u objekat sa lokalnim vodičem. Slijedi obilazak **hipodroma** koji je nekoć bio sportski i društveni centar Konstantinopola, a vidjeti ćemo i poznate **Obeliske na hipodromu** te slavnu njemačku fontanu. Sijedi razgled **džamije Sultana Ahmeta (Plava džamija)** iz 17. stoljeća, monumentalnog zdanja i posljednje velike kraljevske džamije, koju je sa 6 minareta izgradio Mehmet Aga da bi nadmašio poznatu Aja Sofiju. Nakon završetka razgleda slobodno vrijeme za ručak. Nakon ručka sastanak sa vodičem u dogovoreno vrijeme na dogovorenom mjestu, te odlazak prema **Topkapi** palati (doplata za ulaznicu) u kojem je u 16. vijeku bio smješten harem, državna administracija i vojna uprava, s ukupno 3.000 stanovnika. Sultani su je napustili 1855. godine u korist nove **Dolmabaće palate**. Razgled sa vodičem koji će trajati oko dva sata, a nakon toga slobodno vrijeme za slikanje i odmor, a sa terase palače Topkapi pruža se prekrasan pogled na **Mramorno more** i **Bosfor**. Povratak prema hotelu preko **Kapali čaršije – Grand Bazara**, jednom od najvećih natkrivenih bazara na svijetu s više od 4000 dućana sa zlatom, tkaninama, keramikom i suvenirima, i naravno uz nezaobilazno cjenkanje. Slobodno vrijeme za vlastite aktivnosti. Obzirom da nam se hotel nalazi u srcu Istanbula, u večernjim satima predlažemo Vam da posjetite trg **Taksim** i **Istiklal ulicu** u kojoj se nalaze mnogobrojne trgovine, klubovi i restorani. Preporučujemo caffè pauzu ili večeru u restoranu MID POINT odakle se pruža prelijep pogled na Bosfor i azijski dio grada. Slobodno vrijeme. Noćenje.

3. DAN ISTANBUL LOCCO „EUROASIA TOUR“

Doručak. Slobodno vrijeme za individualne aktivnosti uz mogućnost **fakultativnog** izleta:

Fakultativni izlet: **PANORAMA 1453 + AZIJA + VOŽNJA BRODOM + GALATA TORANJ**

Okupljanje na recepciji hotela u 09:00 h. Vožnja tramvajem do muzeja **“PANORAMA 1453”** (muzej posvećen osvajanju Konstantinopola od strane **Fatih Sultan Mehmeda**), a nakon obilaska i razgleda ovog jedinstvenog muzeja kao i dijela gradskih zidina, organizovano metroom koji ide ispod Bosfora (MARMARAY) prelazimo na Azijski dio Istanbula u naselje **Kadikoy**. Slobodno vrijeme za ručak i vlastite aktivnosti. U dogovoreno vrijeme ukrcavanje na feribot. **Vožnja Feribotom po Bosforu** pored **“Djevojačke kule”** do naselja **Karakoy**. Penjanje uspinjačom do **Galata tornja** gdje je predviđeno slobodno vrijeme za vlastiti razgled. Povratak u hotel pješice preko Istiklal ulice. Slobodno vrijeme. Noćenje.

4. DAN ISTANBUL „KRSTARENJE BOSFOROM + USKUDAR + SIRKEDŽI“

Doručak. Slobodno vrijeme ili mogućnost organizovanja **fakultativnog** izleta; Vožnja tramvajem do naselja **Eminonu** te ukrcavanje na brod i krstarenje Bosforom između dva kontinenta (razgledanje grada sa Bosfora: Zlatni Rog – najljepši dio Istanbula, Galata most i Galata kula, Džamija Selimija, Dolmabahče palata – posljednje sjedište sultana, Beşiktaş, Ortakoj kvart, Rumeli hisar – čuvena bizantijska tvrđava, Jedi kule (sedam kula), Djevojačka kula...). Iskravanje u čuvenom naselju **Uskudar** poznatom po **djevojačkoj kuli** koju možete posjetiti u slobodno vrijeme (posebno se plaća ulaz) koje je predviđeno u ovom naselju ili uživati u nekom od restorana uz samu obalu **Bosfora**. Nakon pauze nastavljamo vožnju metroom (ili brodom) Marmaraj ispod Bosfora do naselja **Sirkedži** gdje se ukrcavamo na tramvaj i vozimo prema hotelu. Slobodno vrijeme za vlastite aktivnosti. Noćenje.

5. DAN ISTANBUL – ČAMLIDŽA DŽAMIJA – IZMITSKI ZALJEV – BURSA

Doručak. Odjava iz hotela do 08:00h i polazak prema **Bursi**. Nakon prelaska preko mosta koji spaja 2 kontinenta „**15 Temmuz Şehitler Köprüsü**“ dolazimo do **Čamlidža džamije**, najveće džamije u Turskoj. Kapacitet džamije je 63.000 ljudi, a u sklopu džamijskog kompleksa sagrađeni su i muzej, umjetnička galerija, biblioteka, sala za konferencije i ostali popratni sadržaji. Slobodno vrijeme za obilazak džamije. Našu vožnju nastavljamo preko azijskog dijela grada duž **izmitskog zaljeva** do imponantnog **mosta Osman Gazi** preko kojega prelazimo i onda slijedi ostatak vožnje novim autoputem od cca 90 km u smjeru Juga Turske prema Bursi. Dolazak u **Bursu**, antički grad koji je ujedno od 1326. godine prvi glavni grad osmanskih sultana. Ovaj bogat grad danas je glavni grad istoimene provincije smješten u plodnoj dolini, te je okružen visokim brdima. Čeka Vas pravi **doživljaj Orijenta** – Krivudave ulice, slikovite stare kuće, imponantne džamije i gusto nastanjene ulice bazara te svi ostali miomirisni Orijenta; mostovi preko dubokih klanaca usred grada, romantična, stara groblja pokraj raskošno smještenih modernih bulevara i poznati termalni izvori – to je Bursa.

Mi ćemo krenuti od posjete najpoznatijem lokalitetu u **Bursi**, a to je **vidikovac gdje se nalazi turbe osnivača Osmanskog carstva, Osman gazi kao i njegovog sina Orhana**. Šetnju nastavljamo prema **Zelenoj džamiji**, poznataj i kao **Džamija Mehmeda I**, te ujedno i druge dijelove većeg kompleksa – **Zeleni Mauzolej**, mjesto gdje se čuvaju ostaci **petog osmanskog sultana Mehmeda I – Ulu Cami ili Velika Džamija**, koju je sagradio veliki sultan Bayezid – **Koza Han**, nekadašnji bazar svile.

Slobodno vrijeme za ručak i vlastiti razgled te polazak prema hotelu. Smještaj u hotel i slobodno vrijeme za vlastite aktivnosti. Noćenje

6. DAN BURSA free time – VIAPORT SHOPPING – AERODROM /19.09.2024.

Doručak i odjava iz hotela. Slobodno vrijeme za vlastite aktivnosti u Bursi do 12:00h nakon čega krećemo prema jednom od najvećih outlet centara Istanbula, a to je **VIA PORT outlet** koji je poznat po raznolikoj i povoljnoj robi mnogih nama poznatih brendova. Slobodno vrijeme do polaska prema aerodromu. Polazak prema aerodromu najkasnije u 16:00h. Check in te let za Sarajevo u 18:50 h. Slijetanje u Sarajevo u 19:40h po lokalnom vremenu. **KRAJ PUTOVANJA.**

CIJENA ARANŽMANA: 959,00 KM + takse

Cijena aranžmana obuhvata:

- Povratnu avio kartu ekonomske klase TURKISH AIRLINES
- Prtljag 23 kg + 8kg ručni
- Katering u avionima
- Transfer od aerodroma do hotela u Istanbulu
- Smještaj na bazi 4 noćenja sa doručkom u 4* hotelu
- GRATIS posjetu kompleksu Čamlidža džamije
- Vožnju preko izmitskog zaljeva i mosta Osman Gazi
- Obilazak Burse sa znamenitostima
- Smještaj u Bursi u hotelu 4 na bazi 1 noćenje sa doručkom
- Posjeta outlet centru VIAPORT Istanbul
- Transfer od hotela u Bursi do aerodroma u Istanbulu
- Licenciranog pratioca putovanja ispred agencije
- Kalkulaciju i realizaciju programa

Cijena aranžmana ne obuhvata

- Aerodromske takse u iznosu od 180,00 KM
- Fakultativne izlete
- Boravišnu pristojbu u hotelima (3 KM/dan, plaća se na licu mjesta predstavniku agencije)
- Putničko zdravstveno osiguranje (opcionarno)

fakultativni izleti:

- SULEJMANIJA + EMINONU: 20,00 EUR
- SULTANS OLD TOWN: 20,00 EUR BEZ ULAZNICA
- DOPLATA ZA TOPKAPI DVORAC 40,00 EUR (opcionarno bez Harema)
- EUROASIA TOUR: 35,00 EUR
- KRSTARENJE BOSFOROM + USKUDAR: 35,00 EUR
- ~~PAKET SVIH IZLETA: 110,00 EUR~~ **100,00 EUR + TOPKAPI**

plaćaju se predstavniku agencije u inostanstvu i za iste LAMBADA TRAVEL nije u mogućnosti izdati fiskalni račun niti bilo koju vrstu potvrde.

*Moguća je promjena redoslijeda fakultativnih izleta i posjeta u skladu sa vremenskim i drugim uslovima, što ne može uticati na kvalitet programa.

OBAVEZNO PROVJERITI DATUM VAŽENJA PASOŠA – PASOŠ MORA VAŽITI JOŠ MINIMALNO 150 dana OD DANA ULASKA U TURSKU! ZA OVO PUTOVANJE POTREBAN JE BIOMETRIJSKI PASOŠ.

Kalkulacija rađena na bazi 45 osoba. Agencija zadržava pravo izmjene programa, cijene ili termina u slučaju nepredviđenih okolnosti (demonstracije, požari, zemljotresi). Uplatom akontacije pristajete na Opće uslove SARAJ BOSNA doo, T.A. LAMBADA Bugojno